

Lankidetza Hitzarmena

Espediente zk.: 2026AAH20015

Gaia: DIRULAGUNTZA 2026 urterako- Auzo elkarteak

Eskatzailea: Santakrutz jai batzordea

NAN(IFK): G75158808

ZUZENeko DIRU-LAGUNTZA NOMINATIBOA EMATEKO HITZARMENA

Andoainen, sinaduraren datan.

BILDU DIRA:

Batetik, Marta Lasa Goñi and.,
eta Kulturako Zinegotzi Ordezkarigisa.

Andoaingo Udaleko Hezkuntza

Bestetik, Eneko San José Orta adinez nagusia eta .3996 zenbakidun NAN duena, G-75158808
IFK duen Santakrutz Jai Batzordearen izenean.

Bertan da baita ere Udaleko Idazkaria den Unai Rekondo jauna ekintzaren fede emateko.

PARTE HARTZEN DUTE

Lehenengoak, Andoaingo Udalaren izenean, Alkateak emaniko eskuordetzaren ondorioz
jasotako eskumenak baliatuta.

Bigarrena, Eneko San José Orta bere izenean, eta Santakrutz jai batzordearen ordezkartzan, IFZ.
G75158808 duena, eta helbidea: Plazaola kalea 10-9.A 20140 Andoain (Gipuzkoa).

Bi aldeek elkarri nahiko gaitasuna aitortzen diote hitzarmen hau sinatzeko, eta horretarako

Aurrerakinak:

1. Santakrutz jai batzordeak interesa duten kultur jarduerak egiten ditu. Kultura ekimenak eta herritarren esku-hartzea bultzatzen duen kultur erakundea dela.
2. Santakrutz jai batzordeak auzoko kultur sustapenean biziki laguntzen du, auzoko jaietan jarduerak programatuz.
3. Hitzarmen honen helburua Santakrutz jai batzordearen eta udalaren arteko harremana erregulatzea da, 2026. urteko auzo jaietan zenbait jarduera desberdin egiteko.



Andoaingo Udala

HEZKUNTZA ETA KULTURA

Lankidetzeta Hitzarmena

Kodea:
2026AAH20015

4. 2026/03/23ko datarekin, Santakrutz jai batzordeak 2026. urterako prestatutako auzo jaietako egitarau berria aurkeztu zuen. Burutu nahi dituzten jarduera martxan jartzeko gastuei aurre egin ahal izateko, 46.510 euro eskatzen dituzte.

5. Santakrutz jai batzordeak, 2026ko apirilaren 30etik maiatzaren 3ra ospatuko diren jaietarako egitaraua prestatu dute. Egun horietan jarduera hauek antolatzeke konpromisoa hartu dutelarik:

1. Santakrutz jaietako egitaraua (erantsita).

6. Ondarreta ikastetxeko estalpea erabiltzeko baimena ematea, ondorengo ekintzetarako eguraldi txarra eginez gero:

. Maiatzaren 2an, larunbata, 12:00etan, puzgarriak.

. Maiatzaren 3an, igandea, 13:00etan, Udal Musika Bandaren kontzertua.

7. 2026ko Andoaingo udaleko aurrekontuetan, Santakrutz jai batzordearen izenean, partida bat dago 1 0500.481.338.00.01 2026 zenbakia duena, hain zuzen ere 381 partida kodea daukana. Onartutako kantitatea 43.989 euroakoa da.

8. Santakrutz auzo elkartearen eskaera aztertutik, eta gastuen eta dirusarreraren behin betiko aurrekontua kontuan hartuta, 2026ko aurrekontuen kargu, 43.989 euroko dirulaguntza ematea onartzea, Santakrutz jaietako jardueretarako eta ekintzetarako.

Azaldutakoaren arabera Andoaingo Udalak eta Santakrutz jai batzordeak erabaki dute hitzarmen hau sinatzea, eta Hitzarmenak ondorengo klausulei jarraiki arautuko da, bertan jasotzen baitira aldean konpromisoak diru-laguntza ematea burutu dadin.

KLAUSULAK:

Lehenengoa: Hitzarmenaren xedea.

Hitzarmen honen xedea da Santakrutz jai batzordeak 2026. urtean zehar aurreikusita dituen auzoko jaiak antolatzeke gastuei aurre egiteko Hezkuntza eta Kultura Batzordeak onartutako 43.989 eurotako dirulaguntzaren baldintzak eta konpromisoak eratzea.

Bigarrena: Aurrekontua eta finantzazioa.

Diru-laguntzaren gehieneko diru-kopurua 43.989 eurokoa izango da, udal aurrekontuetako 381 partidaren kargura joango dena. Partida hori izenduna izatea aurreikusi da 2026. urterako Andoaingo Udalaren Aurrekontu Orokorrean.

Lankidetza Hitzarmena

Hirugarrena: Hitzarmenaren iraupena

Lankidetza hitzarmen hau indarrean sartuko da hitzarmena sinatzen den egunetik eta sei hilabeteko epean, horren likidazio zuriteketa egiten denean amaituko da.

Laugarrena: Andoaingo Udalaren konpromisoak

- a) Santakrutz jai batzordeari 43.989 euroko diru-laguntza ordainduko zaio era honetan: 26.393,40 euro (%60), hitzarmena sinatu ondoren, eta dirulaguntzaren diferentzia hitzarmena sinatzen den egunetik kontatzen hasita sei hilabeteko epean aurkeztu behar duten likidazioa eta zurigarriei oniritzia eman ondoren.
- b) Udalak bi oholtza eta bi karpa kontratatuko ditu.
- c) Udalak beharrezkoa den udal materiala utziko dio elkarteari, argindar kajak, jaimak, mahaiaik eta aulkiak, zezensuzkorako estruktura eta suaren kontrako trajeak, hesiak, etab.
- d) Udalak komunak eta kontenedoreak jarriko ditu eta Bekoplazako lurra txukunduko du.
- e) Udalak ekimenak burutzeko beharrezko baimenak emango ditu.

Bosgarrena: Diru-laguntzaren entitate onuradunak harturiko konpromisoak.

Hitzarmen honi jarraiki, diru-laguntzaren onuradunak harturiko konpromisoak hauek dira:

- a) Santakrutz jai batzordeak ekimena garatuko du, aurkezturiko dokumentazioaren arabera.
- b) Jaien ekintzen batek anbulantzia bertaratzea eskatuko balu, behin erabakia helarazi ondoren, Gurutze Gorriaren aurrean aurkeztu beharreko eskaera fitxak bideratzeko ardura zuzena jai batzorde edo elkarteari izango da.
- c) Udal materialaren erabilera:
 - Baimendutako udal materiala laneko ordutegiaren barnean jaso beharko da. Materiala itzultzeko berdin jokatu beharko da.
 - Jaietan erabilitako udal azpiegitura jaiak bukatu eta lau egun buruan itzuliko da.
 - Materiala jaso, lekualdatu eta itzuli, eskatzaileek beraiek egin beharko dute Obra eta Zerbitzuetako edota Kulturako arduradunarekin aldez aurretik adostu ondoren. Hesiak berriz, jaiak bukatu eta udaletxeko Obra eta Zerbitzuetako langileek utzitako



Andoaingo Udala

HEZKUNTZA ETA KULTURA

Lankidetza Hitzarmena

Kodea:
2026AAH20015

leku berberean utzi beharko dituzte.

- Udalak dituen mahaiak eta aulkiak erabili ahal izateko, 2014.03.14ko Tokiko Gobernu Batzordeak onartutako irizpideak bete beharko dira.
- Kiosko edo oholtzaren eta karparen muntaiarako, auzo elkarteak, Udalak horretarako kontratatuta duen enpresarekin jarriko da harremanetan, muntatzea eta desmuntatzea enpresa honen ardura baita eta kostua Udalaren gain izango da.

Oharra: Jai Batzordeari utzitako udal materialaren bat egoera txarrean edo apurtuta bueltatuko balute, dirulaguntzaren bigarren zatirengatik jaso beharko luketen diru kopurutik deskontatuko da konponketa horren gastua. Iritsiko ez balitz, diferentziaren ordainketa egin beharko dute.

d) Jai Batzordeek jai horietan txosnarik jarri nahi badute edo beste inork horretarako duen asmoaren berri izaten badute, indarrean dagoen araudia bete beharko dute baita horretarako dagoen egutegia ere (1996ko Uztailaren 19ko GAO, 140).

Andoaingo Txosna Batzordeak Udalarekin eta Mugimendu Feministarekin osatutako eta adostutako Eraso Matxisten Aurkako protokoloa izango du, eta txosna gunean zain inguruan protokolo hori betearaziko du. Horrez gain, Udalak tabernariak eta jaietan parte hartzen duten hainbat eragile informatuko eta formatuko ditu protokoloa aplikatzera deituz.

e) Jai-batzordeak, puzgarriak erabili aurretik, behar bezala instalatuta daudela egiaztatzen duen ziurtagiri tekniko eskuratu beharko du, otsailaren 5eko 17/2019 Dekretuaren 96.3 artikuluan xedatutakoari jarraituz (jendaurreko ikuskizunen eta jolas-jardueren Legea garatzeko Erregelamendua). **Ziurtagiri hori dagokion udal-sailari aurkeztu beharko zaio.** Baldintza hori bete ezean, ezingo dira puzgarriak erabili, ezta 50 km/h-tik gorako haizeteak gairatzen badira ere.

f) Karparen kasuan, 80 km/h-ko haizeteak gairatzen badira, karpa kendu beharko da.

g) Ordenantzan eta Legean onuradunei ezarritako eginbide guztiak bete beharko ditu, eta batez ere:

- Diru-laguntza eman duen erakundean justifikatu beharko du betekizunak eta baldintzak beteko dituela, hala nola jarduera burutu eta diru-laguntza emateak edo izateak zehazten duen helburua beteko duela.

- Eskumeneko erakundeak egin beharreko egiaztatze jarduerak onartuko ditu, eta eskatzen zaion informazioa ekarriko du.

- Beste diru-laguntza batzuk jasotzen baditu diru-laguntza eman duen erakundeari jakinaraziko dio, hala nola bestelako laguntzak, diru-sarrerak edo diruz lagunduriko jarduerak finantzatzen dituzten baliabideak. Hori guztia jakinaraziko beharko da jakin bezain laster, eta, hala balegokio, hartu beharreko diru-kopuruak kobratuko direla justifikatu aurretik.



Andoingo Udala

HEZKUNTZA ETA KULTURA

Lankidetza Hitzarmena

Kodea:
2026AAH20015

- Ordainketak egiteko, zerga-betebeharretan eta gizarte-segurantzaren arlokoetan egunean daudela egiaztatatu beharko dute.

- Kontabilitate liburuak izango ditu, tramitaturiko erregistroak eta bestelako dokumentazioa behar bezalako auditoria eginda merkataritzako eta sektoreko legeak eskaturiko baldintzetan. Izan ere, era horretan helburu da egiaztatze eta kontrol eskumenak behar bezala burutuko direla bermatzea.

- Jasotako diru-kopuruen aplikazioaren justifikazio dokumentuak gordeko ditu, dokumentu elektronikoak barne, egiaztatatu eta kontrolatu daitezkeen bitartean, hau da lau urteko epean zehar, alegia.

h) Jasotako diru-kopuruak itzuliko ditu, baldin eta Legearen 37. artikuluan aurreikusiriko egoerak gertatzen badira.

i) Hizkuntza ofizialen erabileraren alorreko klausulak:

Elkartearen jardun subentzionatuetan argitaratzen diren idatzi, iragarki, ohar eta gainerakoak euskaraz edo euskaraz eta gaztelaniaz idatzi eta ezagutza eman beharko du, propaganda ere, bai ahozkoa bai idatzizkoa, euskaraz edo euskaraz eta gaztelaniaz egin beharko duelarik, betiere mezuaren hartzaileen hizkuntza ezaugarriak kontuan hartuz.

Era berean, ospakizun konkretuetan bozgorailu bidez ematen diren mezuak ere euskaraz edo euskaraz eta gaztelaniaz eman beharko dira. Euskaraz eta gaztelaniaz egiten diren adierazpenetan, eta batez ere ahozkoetan, euskarazkoari eman beharko zaio lehentasuna, euskarazko adierazpenez jabetu litezkeenak elebidunak baitira.

j) Berdintasunerako klausula: dirulaguntzaren onuradunak bete beharko ditu indarrean dagoen Andoingo Emakumeek eta Gizonen Berdintasunerako III. Planean ezarritakoak eta 1/2023 legegintzako dekretuan, martxoaren 16koa, emakumeen eta gizonen berdintasunerako eta emakumeen aurkako indarkeria matxistarik gabe bizitzeko legean ezarritakoak.

Dokumentazio guztiak, publizitateak, irudiak edo materialek hizkuntza ez sexista erabiliko dute, emakumeak diskriminatzeko edozein irudi edo estereotipo sexista saihestuko dute, eta berdintasun, presentzia orekatu, bestelakotasun, erantzukidetasun, eta genero-identitate aniztasunerako balioak sustatuko dituzte.

Beharrezkoak diren neurriak hartu behar dituzte, bai sexuaren ziozko bereizkeria saihesteko, bai sustatzeko emakumeek zein gizonen parte hartzeko aukera eta partaidetza orekatua izan dezatela kultura-jarduera guztietan.

Debekatu egiten da emakumeek gizonetikiko berdintasunean parte hartzea onartzen ez duten edo oztopenen duten kultura-jarduerarik antolatzea eta egikaritzea gunen publikoetan.



Andoaingo Udala

HEZKUNTZA ETA KULTURA

Lankidetza Hitzarmena

Kodea:
2026AAH20015

Udalak bultzaturiko edo hartutako genero indarkeriaren aurkako neurri bereziak edo martxan jarritako kanpainak zabaltzen parte hartze aktiboa izango da.

m) Ingurumenaren alorreko klausula: Diru-laguntzaren entitate onuradunak, oro har, ingurumeneko irizpideak hartu beharko diru ondorengo alorretan: (1) aurrezte eta energia eraginkortasuna, (2) hondakinen frakzio ezberdinen kudeaketa eta bilketa, honek sortzeari aurrea hartzeaz gain, (3) tokiko aniztasunari kalterik ez sortzea (habitat naturalak, espezieak eta prozesu ekologikoak), (4) baliabide naturalak aurrezte (ura, kontsumo iraunkorra), (5) sorturiko hondakin-uren behar bezalako bilketa, (6) mugikortasun iraunkorra sustatzea, eta (7) indarrean dagoen araudiak ezarritako gehieneko mugak gaindiko zaratarik ez sortzea eta herritarrekiko eta ingurumenarekiko kalitate akustikoa bermatzea.

Paperezko euskarrian Udaletxean aurkeztu beharreko dokumentazioari dagokionez, %100ean birziklaturiko papera izango da, batere klororik gabekoa, eta bi aldeetatik inprimatuta.

n) Jarduera eta erabiliko hedabide guztietan (irradi, prentsa, kartel, eskuko programa, etab.) jasota utzi beharko da proiektua finantzatzeko Andoaingo Udalaren lankidetza, esaldi honen arabera: "Andoain Udalaren laguntzarekin". Esaldi horri Herribilduaren armarrria gehituko zaio, hedabidea idatzia bada. Baldintza hori bete beharko da laguntzaile bakarra Andoaingo Udala denean, hala nola babesa beste laguntzaile batzuekin banatzen denean. Azken kasu honetan arestiko esaldiaren tamaina gutxienez erabiliko den handienaren adinakoa izango da.

Jaien egitarauan, kartel nahiz programetan, Andoaingo Udalaren laguntza azalduko da modu berezi eta argian.

Jai Batzordeek inprentara bidaltzeko egitaraua prest dutenean, Udalari PDF formatuan bidaliko diote honek sareetan zabaltzeko dezan.

Behin inprentatik jaso ondoren, jatorrizko programaren, nahiz kartel iragarlearen 8na ale Bastero Kulturgunean egoitza duten Udalaren Kultura Lansaileko bulegoetan utziko dira.

Seigarrena: Dirulaguntzari egin beharreko jarraipena eta justifikazioa.

Andoaingo Udalak, Kultura eta Hezkuntza saileko teknikariaren bitartez, jarraipena egingo du eta diru-laguntzaren justifikazioa egokia dela egiaztatuko du, eta, era berean, jarduera gauzatu dela eta diru-laguntza eman edo izateko zehazturiko helburua bete dela.

Dirulaguntzaren entitate onuradunak, hitzarmena sinatzen den egunetik kontatzen hasita sei hilabeteko epean, Udalean aurkeztu beharko du diru-laguntzaren xede duen proiektuaren garapenaren memoria bat baita balantze ekonomikoa jai batzordeko ordezkariak sinatuta. Bertan 2026ko ekimena burutzeko aurreratu diren gastuei buruzko azalpenak emango dira.

Gastuak egiaztatuko dira ordain-agirien edo merkataritzako trafiko juridikoan balio frogagarri baliokidea edo administrazio eraginkortasuna duten bestelako dokumentuen bidez.



Andoaingo Udala

HEZKUNTZA ETA KULTURA

Lankidetzeta Hitzarmena

Kodea:
2026AAH20015

Jarduerak, diru-laguntzaz gain, finantzatu direnean, norberak dituen diru-sarrerekin edo bestelako diru-laguntzekin edo baliabideekin, justifikazioan zenbatekoa egiaztatu beharko da, nondik datorren eta zein den diru-sarrera horien aplikazioa diruz lagunduriko jardueretan.

*- **Gastuak**: izandako gastu guztien likidazio zerrenda bat aurkeztuko da eta zerrendan azaltzen den zenbakiarekin bat etorri behar du gastu hori zuritzeko aurkezten den fakturak edo tiketak. Bazkari eta afarien fakturen kasuan, jardueraren ordainketa modu bakar gisa azaltzen denean onartuko dira bakarrik.*

Ez dira kontutan hartuko, txosnarako egin diren material gastuak (edalontziak, edariak, janariak, e.a.)

Likidazioetan ondorengo zurigarriak onartuko dira:

** Nominak.*

** Gizarte Segurantzako TC1 edota TC2 dokumentuak.*

** Pertsona fisikoaren errentaren gaineko zergaren aitortpenari buruzko atxikipenen aitortpenaren 110 eta 111 dokumentuak.*

** Finantza-erakundeek egindako Banku zorpetzeko karguen ziurtagiri edo dokumentuak, faktura baten datuak dituztenak, zenbakia eta seriea izan ezik.*

** Faktura sinplifikatuak edo tiketak. Bakarrik onartuko dira **400** eurotik beherakoak. Beti ere datu fiskalak barne dituela, ematen duena ondo identifikatuta egon behar du, eta erosketaren kontzeptua identifikatuta azalduko da. Ez dira eskuz idatzitako oharrik onartuko.*

** Fakturak. Informazio fiskala osoa jaso beharko dute; hau da: ematen eta jasotzen duenaren identifikazioa (izen deiturak, NA edo IZK, helbidea, telefonoa); faktura zenbakia, data, eta BEZ.*

** Faktura pertsonalak. Faktura emailearen informazioa jasoko dute (izen-abizenak, NA, helbidea, telefonoa), eta PFEZean % 2ko gutxieneko atxikipena izango dute.*

** Sariak: 300€ edo gutxiagoko sarien kasuan, banku transferentziaren ordainagiria eta jaso-agiria aurkeztu beharko dira, eta 300€ baino gehiagoko sarien kasuan, gainera, dagokion atxikipenaren aitortpenaren Foru Ogasuneko egiaztagiria aurkeztu beharko da.*

*- **Sarrerak** : izandako sarrera guztien zerrenda ere aurkeztuko da eta kontzeptu bakoitzaren zenbatekoa idatziko ere. Sarrera egiaztagarri ofizialik ez dagoenean, emailearen edo hartzailearen zinpeko idatzia aurkeztuko da.*

Jaien batzorde antolatzaile bakoitzak du SGAE erakundeari dagokion kopurua ordaintzeko



Andoaingo Udala

HEZKUNTZA ETA KULTURA

Kodea:
2026AAH20015

Lankidetzeta Hitzarmena

erantzunkizuna.

Zazpigarrena: Bateragarritasuna beste diru-laguntza publikoekin.

Hitzarmen honek arautzen duen diru-laguntza bateragarria izango da helburu bera duten bestelako diru-laguntza, laguntza, diru-sarrera edo baliabideekin, bestelako administrazioetatik edo erakunde publikoetatik edo pribatuetatik datozenak.

Dena den, diru-laguntza hau bateraezina da helburu berarentzat Andoaingo Udaletik eta/edo bertako organismo autonomoetatik datozen bestelako diru-laguntzak edo laguntzat hartzearekin. Era horretan, entitate onuradunak uko egiten dio edozein laguntza edo diru-laguntza motari egokituko ahalko litzaiokeena Udalaren departamentuek edo organismo autonomoek diru-laguntzetarako eginiko deialdien arabera.

Hala guztiz ere, emandako laguntzen zenbatekoa, bakarrean edo batera, inola ere ezingo da izan diru-laguntzaren xedearen balioa baino handiagoa.

Zortzigarrena: Hitzarmena ez betetzea eta diru-laguntza itzultzea.

Diru-laguntzaren entitate onuradunak bete beharreko edozein eginkizun ez betetzeak ekarriko du diru-laguntza berrikustea edo indarrik gabe uztea, eta hala balegokio, emaniko diru-kopurua gutxitzea edo itzultzea. Hori guztia aurreikusita dago Ordenantzan eta Legean. Dena den, erantzukizunak eskatu ahal izango zaizkio.

Izaniko ez betetzeak mailakatzeko proportzionaltasun irizpidea erabiliko da.

Ezingo balitz edo interesik ez balego lan garapena jarraitzeko proiektuaren bideragarritasunari edo izaerari atxikiriko arrazoiak edo behar bezala justifikaturikoak bestelakoak direla-eta, bi aldeek adostu ahal izango dute hitzarmena bertan behera uztea edo etetea.

Bederatzigarrena: datu pertsonalak babestea.

Datu pertsonalak tratatuko balira, bi aldeek adosten dute Datu Pertsonalak Babesteko apirilaren 27ko 2016/679 Europako Erregelamenduak eta abenduaren 5eko 3/2018 Lege Organikoak ezarritakoa betetzea.

Hamargarrena: Lan arriskuen prebentzioa.

Diru-laguntzaren entitate onuradunak, proiektuaren edo diruz lagunduriko jardueretan, indarrean dagoen araudia beteko du lan arriskuak prebenitzeko alorrean, azaroaren 8ko 31/1995 Legea, Lan Arriskuen Prebentzioari buruzkoa, eta berau garatzeko araudia.

Hamaikagarrena: Araubide Juridikoa.

Lankidetzatza Hitzarmena

Hitzarmen honek administrazio izaera du, eta horregatik interpretazioa eta garapena arautuko dira ordenamendu juridiko administratiboak ezarritakoaren arabera.

Hitzarmen honetan jarri gabe geratu diren alderdi guztietan administrazio alorrean indarrean dagoen legeria ezarriko da eta, batik bat, Euskal Autonomia Erkidegoan garatzen diren jendeaurreko ikuskizunak eta jolas-jarduerak arautzen dituen 10/2015 Legearen helburua betetzea, hau da, ziurtatzea jendeaurreko ikuskizun eta jolas-jarduerak garatzerakoan bermatzen direla partaide eta ikusleen segurtasuna eta osotasuna, eta herritarren bizikidetzatza ere, eta ez dela ordena publikoa hausten. Baita, Andoaingo udalean diru-laguntzak ematea arautzeko udal ordenantza, azaroaren 17ko Diru-laguntzei buruzko 38/2003 Lege Orokorrean ezarritako uztailaren 21eko 887/2006 Errege Dekretuan, non bertan onartzen den azaroaren 26ko Diru-laguntzei buruzko 38/2003 Lege Orokorrearen Arautegia, urriaren 1eko 39/2015 Legean, Herri Administrazioen Administrazio Prozedura Erkideari buruzkoa eta urriaren 1eko 40/2015 Legean, Sektore Publikoaren Araubide Juridikoari buruzkoa. Subsidiarioki, zuzenbide pribatuko arauak aplikatuko dira.

Hamabigarrena: Eskumeneko Jurisdikzioa.

Aldeen artean sor daitezkeen auziak ebazteko eskumena izango dute Administrazioarekiko auzien Donostiako Epaitegiek, eta, era horretan bi aldeek onartzen dute epaitegi horien lurralde-eskumena.

Aurreko guztiarekiko adostasuna erakusteko, parte hartzen duten aldeek hitzarmen hau sinatzen dute, bi aletan eta eragin bakarrerako, idazpuruan adierazten den idazpuruan.

SANTAKRUTZ JAI BATZORDEAren Izenean

Stua.: Eneko San José Orta

Hezkuntza eta Kulturako Zinegotzi Ahaliduna

Stua.: Marta Lasa Goñi

UDALEKO IDAZKARIA,

Stua.: Unai Rekondo



EKS | CSV: ESKU363ffa33-383d-45ce-8dbf-7eff7473fb94

Sgiatzatu dokumentu honen osotasuna eta sinadura hurrengo URL edo QR kodean sartuz: <https://udal.egoitza.gipuzkoa.eus?De=00910>

Compruebe la integridad y firma de este documento, accediendo a la siguiente URL o código QR: <https://udal.egoitza.gipuzkoa.eus?De=00910>

